




Schweizerische Eidgenossenschaft
Confédération suisse
Confederazione Svizzera
Confederaziun svizra

Instanza da recurs independenta
da radio e televisiun

Rapport annual 2013 da l'Instanza da recurs independenta da radio e televisiun





Schweizerische Eidgenossenschaft
Confédération suisse
Confederazione Svizzera
Confederaziun svizra

**Instanza da recurs independenta
da radio e televisiun**

Rapport annual 2013 da l'Instanza da recurs independenta da radio e televisiun

Critica da Berna, critica da Losanna

L'onn 2013 ha l'Instanza chattà resonanza en la publicitat: Dunnas debattesschan sin twitter e sin facebook. Medias orchestreschan cas prominentes. Parlamentaris pretendan la demissiun dal president. Igl ha dà laud e critica. Quai è er bun. L'Instanza n'è betg ina vatga sontga. Sias decisiuns pon senz'auter vegnir discutadas, commentadas e contestadas, e quai betg mo da quels ch'en participads vid la procedura. Igl è bun, sch'i vegn dispità publicamain davart las dumondas, quant lunsch che radio e televisiun dastgan ir schurnalisticamain, cura che tscherts cunfins èn surpassads. Igl è bun, sche temas da recurs, ils quals s'augmentan, sco per exemplu ils rapports davart la protecziun dals animals u davart Israel, effectueschan ina communicaziun supplementara e mainan a la dumonda, schebain radio e televisiun negligeschan forsa tscherts temas u als preschentan unilateralmain. Talas dumondas dastgassan vegnir tschentadas bler pli savens tant sin ils plauns dals schefs e da las redacziuns dals medis electronics sco era dals schurnalists da las medias.

Attenziun speziala merita dentant la critica che vegn adressada dal Parlament a Berna e dal Tribunal federal a Losanna a l'Instanza. La critica da Losanna prenda l'Instanza adina serius. La critica da Berna na l'occupescha betg adina tuttina. La critica da Losanna è previsa instituzionalmain. L'Instanza è suttamessa tras la procedura giuridica a la Dretgira federal; sias decisiuns pon vegnir contestadas davant il Tribunal federal. Quel sto perquai adina puspè tractar decisiuns da l'Instanza. L'onn 2013 è quai stà il cas tschintg giadas. Trais giadas ha el dà raschun a l'Instanza, duas giadas dentant betg. Ils commembers da l'Instanza prendan spezialmain enconuschientscha – vulend emprender u era rubagliond il frunt – da las sentenzias ch'en vegnidus curregidus dal Tribunal federal. Uschia vegnan els a stuair resguardar en l'avegnir che - segund l'opiniun dal Tribunal federal - valan pretensiuns main severas tar emissiuns da discussiun che tar talas d'infurmaziun (emissiun „Arena“ da SFR davart l'entrada da basa nuncundiziunada) e che la SSR sto permetter spots da reclama che attatgan il realisader pervia da la libertad d'opiniun (spot da reclama scumandà da l'Uniuun cunter fabricas d'animals). La critica da Losanna effectuescha adina insatge, mintgatant chapentscha, mintgatant er a vegnir grit.

La critica da Berna ha percuter primarmain ina basa politica. Bain fixescha il Parlament en il rom da la LRTV l'actividad da l'Instanza, il Cussegl federal elegia ils commembers da l'Instanza e surveglia la gestiun da l'Instanza ed il Departament federal da l'ambient, traffic, energia e communicaziun (DATEC) s'occupa administrativa-

main da l'Instanza. Mo l'Instanza è ina autoritat independenta dal Parlament, da la Regenza ed administraziun. Nagin a Berna la po prescriver co ella ha mintgamai da giuditgar en chaussa. Perquai è l'intervenziun da la fraczin da la PPS stada politicomain chapaivla, mo dal cuntegn ennà betg necessaria. I concerna sulet il Tribunal federal, sch'in commember da l'Instanza na prenda betg recusaziun u sch'el prenda recusaziun senza motiv. Vitiers vegn che l'Instanza sa cumpona da nov commembers en uffizi accessoric. Els han in'autra activitat principal, saja quai advocat, schurnalist, scolader da schurnalismem, professer, incumbensà per la protecziun da datas u derschader. Els expriman en lur activitat principal lur opinoun davart blers temas, era sur da tals che pon baud u tard vegnir discutads da l'Instanza. Els n'èn nagins eunuchs politics. Els na pon taschar tar tut pervia da lur activitat en l'Instanza. Pir en il cas concret d'in recurs vegn perquai mintgamai decidì, schebain in commember è eventualmain preoccupà.

Per l'Instanza èsi dentant impurtant da mantegnair il contact cun l'Uffizi federal da communicaziun (UFCOM), cun sciensiads e publicists, che giuditgeschan criticamain la giurisdicziun da l'Instanza, cun ils posts da mediaziun che precedan sco era cun ils realisaders da radio e televisiun. Cun blers dad els è ella stada l'onn 2013 en dialog, uschia sin il viadi en la Svizra centrala cun ils responsabels da „Radio Central“ a Brunnen e cun quels da „Tele 1“ a Lucerna. Quai è stà da grond avantatg per omadus. Persuenter saja engrazià a quels che han envidà. Engraziar vuless jau era a tut ils mediators, als commembers da l'Instanza sco era a quels en il secretariat per la laver prestada. Engraziamenti tut spezial descha a Mariangela Wallimann-Bornatico ed a dr. Alice Reichmuth Pfammatter che han bandunà l'Instanza. Alice Reichmuth Pfammatter disponeva da lunga experientscha da dretgira ed aveva senn per giustia e liberalitad. Mariangela Wallimann-Bornatico ha contribui fitg a l'infurmazion pervia da sia gronda rait cun la politica ed administraziun. Omaduas ans vegnan a mancar.

Roger Blum,
president da l'Instanza

Cuntegn

| | |
|---|-----------|
| 1 Basas legalas | 5 |
| 1.1 Survista | 5 |
| 1.2 Revisiun parziala da la Lescha da radio e televisiun | 5 |
| 2 Intervenziuns parlamentaras | 6 |
| 3 Cumposiziun da l'Instanza | 7 |
| 4 Gestiun | 8 |
| 5 Posts da mediaziun dals emetturs da radio e televisiun | 9 |
| 5.1 Survista | 9 |
| 5.2 Barat tranter l'Instanza ed ils posts da mediaziun | 9 |
| 6 Procedura da recurs | 10 |
| 6.1 Gestiun | 10 |
| 6.2 Emissiuns crititgadas | 10 |
| 6.3 Recurs approvads | 11 |
| 6.4 Dumondas da dretg | 11 |
| 7 Ord la pratica da l'Instanza | 13 |
| 7.1 Decisiun b. 662 dals 22 da favrer 2013 pertugtant „TeleBärn“, emissiun „News“, contribuziun davart ina interpresa | 13 |
| 7.2 Decisiun b. 668 dals 3 da matg pertugtant Radio DRS 3, contribuziun davart la selecziun dal Eurovision Song Contest | 14 |
| 7.3 Decisiun b. 660 dals 3 da matg 2013 concernent Telebasel, emissiun „report“ dals 18 d'avrigl 2012 „inquisiziun cunter muslims – pertge che multas pervia da betg nudar cunterfan a las intenziuns da l'integrazion“ | 15 |
| 8 Tribunal federal | 16 |
| 8.1 Sentenzia 2C_1246/2012 dals 12 d'avrigl 2013 | 16 |
| 8.2 Sentenzia 2C_402/2013 dals 20 d'avust 2013 | 16 |
| 8.3 Sentenzia 2C_182/2013 dals 25 da settember 2013 | 17 |
| 8.4 Sentenzia 2C_321/2013 dals 11 d'october 2013 | 18 |
| 8.5 Sentenzia 2C_1032/2012 dals 16 da november 2013 | 18 |
| 9 Fatgs internaziunals | 20 |
| 10 http://www.ubi.admin.ch | 21 |
| Agiunta I: Cumposiziun da l'Instanza da recurs e secretariat | 22 |
| Agiunta II: Indicaziuns statisticas per l'interval da 1984 - 2013 | 23 |

1 Basas legalas

1.1 Survista

L'activitat da l'Instanza da recurs independenta da radio e televisiun (dad ussa davent: Instanza) sa basa sin l'art. 93, al. 5 da la Constituziun federala (da qua davent: Cst.; CS 101). Tenor questa disposiziun pon recurs cunter il program vegnir suttamess ad ina Instanza independenta da recurs. Las disposiziuns executoricas sa chattan en la Lescha da radio e televisiun (LRTV; CS 784.40), en l'Ordinaziun davart radio e televisiun (ORTV; CS 784.401) ed en il Reglament da fatschenta da l'Instanza, approvà dal Cussegl federal (CS 784.409). Relevant per l'Instanza è er il dretg internaziunal correspondent sco per exemplu la Cunvegna europeica davart la televisiun sur cunfins dal Cussegl da l'Europa (CS 0.784.405).

1.2 Revisiun parziale da la Lescha da radio e televisiun

Il Cussegl federal ha deliberà ils 29 da matg 2013 la missiva per midar la Lescha federala da radio e televisiun (FF 2013 4975). En il center da questa revisiun parziale stat il sistem da las taxas per recepir radio e televisiun che duai vegnir remplazzà tras ina taxa per radio e televisiun independenta da l'apparatura. Ultra da quai cumpiglia la revisiun instradada era secturs che tangheschan las cumpetenzas da l'Instanza sco en spezial la surveglianza davart la purschida publicistica supplementara da la Societad svizra da radio e televisiun (SSR) sco era determinaziuns concernent las sancziuns. L'ulteriura purschida publicistica da la SSR cumpiglia ultra dals programs tradiziunals da radio e televisiun secturs che vegnan medememain finanziads cun taxas per radio e televisiun. Latiers tutgan ussa la purschida online da la SSR, il teletext, la purschida da Swissinfo per l'exterior sco era infurmaziuns associadas al program. La surveglianza davart l'ulteriura offerta publicistica da la SSR duai vegnir surdada da l'Uffizi federal per communicaziun a l'Instanza ch'è independenta da l'administraziun. Il sboz dal Cussegl federal prevesa era dad abolir la cumpetenza da l'Instanza per ordinar sancziuns tras l'administraziun. A la renunzia da questas pussavladads da sancziunar, ch'èn stadas fin uss be da natira teoretica, ha l'Instanza sezza gi rendì attent en il rom da la procedura per questa lescha. Questas cumpetenzas ch'èn vegnidas introducidas l'onn 2006 en connex cun l'ultima revisiun èn dal rest problematicas en vista a la garanzia da procedura tenor l'art. 6 da la Cunvegna europeica per proteger ils dretgs umans e las libertads fundamentalas (CEDU; CS 0.101). En la missiva ha il Cussegl federal rendì attent che l'Instanza disponia en cas da violaziuns gravantas dal dretg cun l'art. 89 LRTV d'instruments adattads. Quests aspects da la revisiun totala da LRTV che pertutgan l'Instanza èn stads incontestads en las cumissiuns predeliberantas.

2 Intervenziuns parlamentaras

La fracziun da la Partida populara svizra (PPS) ha inoltrà ils 17 d'avrigl l'interpellaziun 13.3317 „Relaschar il president nunsupportabel da l'Instanza“. Il president da l'Instanza saja s'exprimi - en connex cun ina contribuziun en l'emissiun „Rundschau“ da la Televisiun svizra ils 27 da mars 2013 e sur twitter – en moda condemnanta e spretschanta davart prof. Christoph Mörgeli. Il Cussegl federal ha fatg attent en sia resosta dals 14 da zercladur 2013 che l'Instanza na saja liada en il rom da sia incumbensa a naginas directivas dal Parlament federal, dal Cussegl federal e da l'administratzion federala. Dumondas d'in eventual pregiudizi n'èn betg da giuditgar tras las autoritads politicas, mabain sur la via giuridica previsa. Per impedir conflicts d'interess cura che l'Instanza giuditgescha davart recurs dettia reglas da prender recusaziun. Che talas reglas da recusaziun vegnian observadas possia vegnir examinàtar il Tribunal federal. Il Cussegl federal respectia l'indipendenza da l'Instanza sco era la separaziun da la pussanza e desistia da princip da giuditgar il cumportament dal president da l'Instanza e da s'exprimer pertutgant la dumonda da prender recusaziun. Per eventualmain relaschar commembres da l'Instanza n'existia dal rest nagina basa legala explicita. L'interpellaziun è vegnida liquidada ils 27 da settember 2013 en il Cussegl naziunal. La fracziun da la PPS ha declarà ch'ella na saja betg satisfatga. Cunter la contribuziun da la „Rundschau“ menziunada en l'interpellaziun è vegni inoltrà in recurs. Il president da l'Instanza ha prendi recusaziun pervia da ses tweet tenor l'art. 10 al. 1 da la Lescha federala davart la procedura administrativa (LFPA). El ha dal rest laschà savair en la publicitat ch'el na formulass betg pli uschia questa novitat.

3 Cumposiziun da l'Instanza

Tar sia emprima sesida da l'onn da gestiun ha l'Instanza elegì Carine Egger Scholl, commembra dapi onns, sco nova vicepresidenta. Ella è stada successura da Regula Bähler, che ha bandunà l'Instanza la fin da l'onn 2012.

Mariangela Wallimann-Bornatico ha inoltrà sia demissiun ord l'Instanza per la fin da settember. Ella n'ha betg pli pudi coliar dal temp ennà ses uffizi sco presidenta da la Caritas svizra cun l'activitat en l'Instanza. Sco ses successur ha il Cussegl federal nominà Vincent Augustin, advocat a Cuira. Cun la tscherna da Vincent Augustin, che ha presidià la Lia Rumantscha ils onns 2004 fin 2012, è la represchentanza da la Svizra rumantscha garantida.

Alice Reichmuth Pfammatter è sortida da l'Instanza perquai che ses temp d'uffizi era scadi la fin da l'onn da gestiun. Per ella ha il Cussegl federal tschernì Catherine Müller, advocata ad Olten, che dispona da lunga experientscha cun las medias e lur dretg. Ella è nova commembra da l'Instanza davent dal 1. da schaner 2014. Il Cussegl federal ha era già fatg l'elecziun per remplazzar Heiner Käppeli che banduna ord raschun da limitazиun d'uffizi pir la fin da l'onn 2014 l'Instanza. A partir da l'onn 2015 vegn el remplazzà da Reto Schlatter, manader dal MAZ.

Ad Alice Reichmuth Pfammatter e Mariangela Wallimann-Bornatico èsi dad engraziar grondemain per lur meritaivla lavur en l'Instanza (vesair era la cumposiziun da l'Instanza en l'Agiunta I).

4 Gestiun

Administrativamain è l'Instanza affilliada al Secretariat general dal Departament federal per l'ambient, traffic, energia e communicaziun (DATEC). Ensemen cun autres autoritads independentas fa ella part dapi l'entschatta da l'onn 2012 da l'unitad Autoritads reglamentaras per l'infrastructura (Reglnfra). Sin basa dad ina cunvegna "per segirar il sustegn administrativ e logistic da l'Instanza tras il secretariat dal DATEC" garantescha quel vinavant prestaziuns centralas sco manar il quint, il sectur dal persunal, l'entira infrastructura e translaziun.

Dapi il zercladur datti en il secretariat da l'Instanza ina administraziun electronica per las fatschentas (AEF) cun tut ils dossiers relevantes. Quella pussibilitescha ultra da manar currentamain e sistematicamain las actas tranter auter era d'archivar electro-nicamain las actas relevantas tar l'Archiv federal svizzer. Per la procedura tar recurs, il duair per propi da l'Instanza, existan vinavant dossiers fisics supplementars.

5 Posts da mediaziun dals emetturs da radio e televisiun

5.1 Survista

L'Instanza è cumpetenta per eleger e survegiliar ils posts da mediaziun subordinads da radio e televisiun cun excepziun da quels da la SRG SSR (art. 91 LRTV). Las trais regiuns linguisticas disponan mintgamai d'in agen post da mediaziun. Ils posts da mediaziun ch'en affiliads administrativamain a l'Instanza l'han da preschentar onn per onn in rapport da gestiun.

5.2 Barat tranter l'Instanza ed ils posts da mediaziun

L'inscunter annual tranter ils commembres dals posts da mediaziun e l'Instanza ha gi lieu ils 5 da december. In punct impurtant è stà dad orientar vicendaivlamain mintgamai davart las activitads da surveglianza. La chargia da laver dètg differenta dals mediaturrs è sa mussada, quai che ha era consequenzas per la moda, co ch'ils recurs èn da liquidar. Pertutgant l'ultim dat l'art. 93 LRTV bleras pussaivladads als mediaturrs. Problems datti cun la pratica differenta dal post da mediaziun pertutgant liquidar las pretensiuns formalas e la correspondenza tar recurs tenor l'art. 92 al 2 LRTV. L'Instanza è da l'opiniun che e-mails adempleschian questas pretensiuns mo cun ina signatura digitala. A chaschun da l'inscunter è vegni fixà che l'Instanza e l'UFCOM, ch'è responsabel per la surveglianza dals posts da mediaziun da la SSR, veglian ina schliaziun confirma a la lescha per tuts posts da mediaziun da realisaders da radiodiffusiu. L'expert da medias, Peter Studer, ha era referì a chaschun da questa occurrenza davart la giurisdicziun dal Tribunal federal e da l'Instanza tenor l'art. 4 LRTV e concernent l'access refusà al program.

6 Procedura da recurs

6.1 Gestiu

Durant l'onn da gestiun èn vegnids inoltrads 18 novs recurs (onn avant: 20). Tranter quels sa chattavan 9 recurs populars tenor l'art. 94 al. 2 e 3 LRTV, nua ch'ils recurrents èn vegnids sustegnids d'almain 20 ulteriuras persunas che fissan era stadas legitimadas da far recurs (onn avant: 10). Vitiers èn anc vegnids 9 recurs individuals, resp. da pertugads tenor l'art. 94 al. 1 LRTV. Là han ils recurrents ina stretga relaziun cun il cuntegn da las emissiuns crititgadas (onn avant: 10).

Tar ils posts da mediaziun, che vegnan en acziun avant l'Instanza, èn vegnids inoltrads l'onn 2013 en tut 237 reclamaziuns (onn avant: 203). A l'Instanza èn vegnids tratgs vinavant 7,6 per tschient dals cas (onn avant: 9,9 per tschient). Quai sutta-stritga la funcziun impurtanta dals posts da mediaziun da stgargiar l'Instanza en il rom da la procedura da surveglianza dal program.

L'Instanza ha liquidà l'onn 2013 en tut 18 recurs (onn avant: 20). Da quels èn 15 vegnids giuditgads tenor il dretg material (onn precedent: 16). Sin dus recurs n'han ins betg pudi entrar (onn avant: 3). In recurs è vegni retratg.

L'onn da gestiun ha l'Instanza gì 6 sesidas. Ina da quellas ha durà dus dis. Cun ina excepziun, nua ch'igl era da proteger interess privats giustifitgads tenor l'art. 97 al. 1 LRTV, ha l'Instanza deliberà publicamain tut ils recurs materials. L'usitada sesida da dus dis ha gì lieu ils 24 e 25 d'october en la Svizra centrala. A Sviz ha l'Instanza deliberà publicamain ed a Lucerna è stada la conferenza annuala da medias. En omadus Chantuns han ins era visità emetturs locals e discurrì cun ils responsabels.

L'Instanza, resp. delegaziuns da quella, èn s'inscuntradas durant l'onn da gestiun cun diversas autoritads ed instituziuns. Tema da discussiun cun representants da l'UFCOM èn stadas spezialmain la revisiun parziale da la LRTV e dumondas da competenza. Tar la sentupada cun representants dal Cussegl svizzer da la presa e da la Cumissiun svizra da concurrenza loiala e tar l'inscunter cun il secretari general dal DATEC è il barat d'infurmaziuns stà en il center. Commembres da l'Instanza han representà l'Instanza tar inscunters relevanti sco il congress da medias ad Interlaken u als Radiodays a Turitg.

6.2 Emissiuns crititgadas

Dals 18 recurs inoltrads èn 13 sa drizzads cunter emissiuns da la televisiun e quat-

ter cunter talas dal radio. Ina ha pertutgà tant emissiuns dal radio sco era da la televisiun dal medem emettur. En 14 cas èn stadas pertutgadas emissiuns da lingua tudestga ed en quatter cas talas da lingua franzosa.

Ils recurs han pertutgà exclusivamain programs da la SSR. Objects da recurs èn stadas singulas emissiuns da la Televisiun SFR (10), Radio SRF (4), Televisiun Radio Télévision Suisse RTS (2), Radio RTS (mintgamai 1), Radio e Televisiun RTS (1). Il pli savens è vegnida crititgada l'emissiun „Rundschau“ da la Televisiun SRF cun quatter recurs.

Tuts ils novs recurs han pertutgà, cun ina excepciu – in spot da reclama –, emissiuns redacziunalas dad infurmaziun. Crititgadas èn vegnididas emissiuns criticas davart prof. Christoph Mörgeli en connex cun sia rolla da surveglier dissertaziuns. La reportascha apparentamain unilateralala davart il conflict en il Proxim Orient e cunter Israel è stada l'object da duas reclamaziuns. Cunter puras emissiuns da divertiment n'ai dà nagin recurs. Il sulet recurs dad access ha pertutgà in product da reclama da cuntegn erotic che n'è dentant betg vegnì mussà.

6.3 Recurs approvads

Tar duas da las proceduras da recurs terminadas l'onn da gestiun ha l'Instanza constatà ina violaziun dal dretg (onn avant: 4). Ina emissiun da la televisiun TeleBärn en „News“ davart problems finanzials dad ina interpresa ha l'Instanza giuditgà sco betg objectiva tenor l'art. 4 al. 2 LRTV (vesair era cifra 7.1 qua sutwart). Per consequenza ha l'emetitura stuì prender mesiras adattadas per eliminar las mancanzas, resp. impedir ina tala violaziun ed orientar l'Instanza en chaussa. Las mesiras prendidas da la realisadra, en spezial las infurmaziuns internas e la scolaziun supplemmentara sco era l'eliminaziun da la contribuziun ord l'archiv electronic han bastà per sistir la procedura.

Tar l'emissiun da discussiun „Arena“ concernent l'iniziativa populara „Per ina entraida da basa nuncundiziunada“ è l'Instanza vegnida a la conclusiun ch'il cumond dad esser objectiv è violà. Il Tribunal federal ha però approvà il recurs da la SSR ed uschia annullà la decisiun da l'Instanza (vesair cifra 8.4).

6.4 Dumondas da dretg

Suenter avair scleri ils ultims onns insaquantas dumondas proceduralas ed instituiziunalas, è il dretg material stà l'onn da gestiun en il focus. Tar ils recurs tractads han ils recurrents fatg valair pil pli violaziuns dal dretg dad esser objectiv tenor l'art. 4 al. 2 LRTV. L'Instanza sto mintgamai examinar, sch'il public ha pudi furmar sin basa

da las infurmaziuns intermediadas ina atgna opiniu davart il tema, resp. ils temas dad ina emissiun. Tenor il Tribunal federal pertutga quai era in „suttema“ relevant (vesair era cifra 8.1 qua sutwart).

Praticamain chattan ins en mintga contribuziun redaciunala mancanzas. Ina violaziun dal cumond dad esser objectiv è dada pir, sche l'impressiun generala ed uschia era la furmaziun da l'opiniun publica vegn pregiuditgada fermamain. Sbagls en puncts laterals ed imperfecziuns n'en betg relevantas tenor il dretg da program. La faussa indicaziun da la chapitala dad Israel n'ha per exemplu betg reduci la furmaziun da l'opiniun dal public en ina emissiun radiofonica davart ina commemoraziun per Jizchak Rabin a Tel Aviv.

Las pretensiuns al cumond dad esser objectiv dependan per gronda part da l'emissiun sco tala e da quai ch'il public sa gia. Uschia ha il Tribunal federal rendì attent en ina sentenzia che las pretensiuns per ina emissiun preparada dal tuttafatg da la redaciun davart in tema hajan dad esser pli grondas che tar ina emissiun da discussiun (vesair cifra 8.4 sutwart). Cun tractar temas enconuschents po la redaciun partir dal fatg ch'il public haja gia tschertas enconuschentschas che pon dentant esser tut tenor il gener da l'emissiun fitg differentas. Tar duas emissiuns da Radio SRF 2 cultura davart Karl Marx ha l'Instanza presupponì tar l'auditori tschertas enconuschentschas. Quai pertutga numnadamaain il factum che regenzas communisticas da caracter totalitar èn sa referidas sin Karl Marx u fan anc adina quai.

L'Instanza ha rendì attent pliras giadas en sias decisiuns che l'autonomia da program (art. 6 al. 2 LRTV) garanteschia als realisaders da radiofusiun la libertad d'e-leger il tema ed il puntg da vista. Els pon pia tractar in tema en moda generala u punctuala, defensiva u neutrala, critica u be cun intermediar ils fatgs. Ord vista dal cumond dad esser objectiv tenor l'art. 4 al. 2 LRTV èsi en quest regard be relevant ch'il tema ed il puntg da vista sajan transparents per il public.

En il rom dad ina procedura concernent il spot da reclama betg emess è il Tribunal federal s'exprimì da princip pertutgant la dumonda da refusar illegalmain l'access a la sparta da reclama tar la SSR (vesair cifra 8.5 qua sutwart).

7 Ord la pratica da l'Instanza

En la suandanta survista davart la pratica vegnan preschentadas a moda cumpilada tschertas decisiuns davart recurs, prendidas l'onn da gestiun. Ils texts integrals da tuttas decisiuns da l'onn 2013 sa chattan en furma anonimisada sin la pagina d'internet da l'Instanza (www.ubi.admin.ch).

7.1 Decisiun b. 662 dals 22 da favrer 2013 pertutgant

„TeleBärn“, emissiun „News“

contribuziun davart ina interpresa

Ils fatgs: La televisiun regiunala concessiunada „TeleBärn“ ha rapportà en „News“ davart ina interpresa el Seeland da Berna che sa chatta finanzialmain en grondas difficultads. Pliras persunas da camera independentas n'hajan survegnì nagina paja dapi plirs mais. La redacziun haja empruvà pliras giadas invanamain dad interrogar in represchentant da l'interpresa. En l'emissiun che ha durà 2,5 minutias èn era vegnids mussads maletgs da l'interpresa. Dal commentari è resortì ch'i dettia blers indizis per in bancrut. In emploia da concurs s'exprima era davart las consequenzas dad in bancrut per persunas che lavuran en moda independenta. Il manader tecnic, dapi blers onns commember dal Cussegli d'administraziun da l'interpresa tematisada, ha fatg recurs cunter questa emissiun. El ha surtut fatg valair che la contribuziun haja cuntegnì pliras faussas infurmaziuns.

Valitaziun: I deva dal temp da l'emissiun tscherts indizis per problems finanzials tar l'interpresa. La constataziun che bler pledia per in bancrut giaja dentant bler pli lunsch. Quai saja ina renfatscha gravanta da muntada existenziala per l'interpresa e las persunas pertutgadas. Perquai èn ils fatgs en quai connex da sclerir cun pre-cauziun.

La tesa da la redacziun da „News“ cun la renfatscha da bancrut sa basia primarmain sin trais quints na pajads per ina contribuziun a l'um da camera preschentà, sin in bajetg da manaschi serrà, sin constataziuns da vischins sco era ch'ils responsabels n'èn betg stads da cuntanscher e sin ina pagina d'internet betg actualisada. Documents giuridics relevants u fatgs, che laschassan percorscher che la firma fetschia gleiti concurs sco era extracts dal register da concurs u mussaments per ina procedura pendenta per concurs n'ha la redacziun betg pudi allegar.

Per il public èsi stà cler e plausibel sin basa da las infurmaziuns en la contribuziun e las enconuschienschas mancantas da traier la conclusiun che l'interpresa stettia avant il concurs. Il fatg che la tesa dal bancrut tras la redacziun na sa basava betg

sin attests suffizients ord il register da concurs u sin ina procedura da concurs pendenta n'ha il public betg pudi savair. Cunquai ch'i n'è betg sa tractà d'in eveniment actual, avess la redacziun da „News“ gì avunda temp da sclerir ils fatgs relevants. La contribuziun ha perquai violà il cumond dad esser objectiv tenor l'art. 4 al. 2 LRTV. L'Instanza ha approvà il recurs cun 8:1 vuschs.

7.2 Decisiun b. 668 dals 3 da matg pertutgant

Radio DRS 3

contribuziun davart la selecziun dal Eurovision Song Contest

Ils fatgs: En il rom da la show televisiva dals 15 da december 2012 è la represchentanza svizra per l'Eurovision Song Contest (ESC) vegnida fixada tras televoting. Igl è stà da tscherner in da nov titels. Il di avant ha Radio DRS 3 (oz radio SRF 3) emisiunà ina contribuziun davart la selecziun finala svizra. En il center èn stadas las recumandaziuns da la redacziun da musica. Quella ha recumandà en l'emprima part trais titels. En ina seconda part ha ella scusseggia d'eleger trais ulteriurs titels. En in recurs cunter questa emissiun è vegnì fatg valair che quellas recumandaziuns da la redacziun da musica hajan influenzà en moda inadmissibla l'elecziun.

Valitazion: Emissiuns, che stattan en connex cun elecziuns u votaziuns dal pievel, ston ademplir pretensiuns pli autas. Cun rapportar equilibradamatn duajan las schanzas da las diversas partidas vegnir garantidas. Las pli autas pretensiuns da precauziun valan dentant be per emissiuns che pertutgan ina decisiun politica dal pievel. Ellas n'èn betg appligablas tar ina contribuziun per nominar la represchentanza svizra a l'ESC. Tar questa selecziun sa tracti sulettamatn da sa participar ad ina concurrenza populara da musica, senza che quai avess pli grondas consequenzas per la populaziun.

La redacziun da musica responsabla ha allegà en sias consideraziuns las raschuns positivas e negativas per mintgamai trais chanzuns. Cun sias recumandaziuns ha ella vuli gidar ch'in titel svizzer haja success tar l'ESC a Malmö. Tras ina preschentaziun transparenta da la contribuziun èsi stà cler per l'auditori che las recumandaziuns eran l'opiniun da la redacziun da musica da DRS 3 (art. 4 al. 2 seconda frasa LRTV). Uschia han ins pudi distinguo tranter fatgs ed opiniuns. Ils fatgs essenzials per la selecziun finala èn dal rest vegnids preschentads correctamain. L'auditori ha pia pudì furmar in'atgna opiniun davart la contribuziun crititgada tenor il cumond dad esser objectiv. Cunquai che la recumandaziun negativa da las trais chanzuns n'è stada ni umilianta ni discriminanta è l'art. 4 al. 1 LRTV betg vegnì violà. Las recumandaziuns crititgadas resortan da l'autonomia da program da la realisadra. Ord las raschuns menziunadas ha l'Instanza refusà il recurs cun 8:1 vuschs.

7.3 Decisiun b. 660 dals 3 da matg 2013 concernent Telebasel, emissiun „report“ dals 18 d'avrigl 2012 „inquisizion cunter muslims – pertge che multas pervia da betg nudar cunterfan a las intenziuns da l'integrazion“

Ils fatgs: La televisiun regiunala concessiunada Telebasel ha emess en il magazin „report“ ina reportascha da 25 minutus cun il titel „Inquisizion cunter muslims – pertge che multas pervia da betg nudar cunterfan a las intenziuns d'integrazion.“ L'emissiun è sa fatschentada criticamain cun la pratica da multas en ils chantuns Basilea-Citat e Basilea-Champagna, sch'ins refusa da far part da l'instrucziun obligatorica da far bogn ord raschuns religiusas. En il recurs è veginida crititgada spezialmain la preschentaziun manipulativa da la pratica da multas pervia da betg nudar.

Valitaziun: Il focus da l'emissiun crititgada è stà defensiv. Telebasel ha surpiglià l'opiniun da las famiglias muslimas zunt religiusas davart la problematica da las multas pervia da betg nudar. L'opiniun dal Departament d'educaziun ch'è veginida defendida da represchentants da la direcziun d'ina scola è percuter veginida messa en dumonda. Quest focus defensiv ed il caracter parzialmain tendenzius en chaussa è stà cleramain evident per il public. Quel disponeva numnadama sin basa dals raports tras las medias localas da tschertas enconuschentschas dals fatgs.

Ils fatgs essenzials davart la dumonda ord vista politica pertutgant las multas cunter muslims fitg religius per avair refusà da sa participar a l'instrucziun da sa nudar e spezialmain las intenziuns colliadas d'integrazion èn vegnids intermediads correc-tamain. Il pungt da vista dals dus Departaments d'educaziun èn vegnids mussads commensuradama. Las mancanzas constatadas sco spezialmain il surfar e diffe-renciar pauc tranter las posiziuns cuntrarias dals Departaments d'educaziun dad ina vart e da las famiglias muslimas da l'autra vart n'hant betg reduci decisivamain la furmaziun d'ina opiniun dal public. Ellas pertutgan ord vista dal cumond dad esser objectiv be puncts laterals tenor l'art. 4 al. 2 LRTV. La libertad da las medias, resp. l'autonomia da program permetta a realisaders da metter en dumonda da princip ed en moda punctuada ina pratica giuridicamain permessa da las autoritads. Per ils motivs allegads ha l'Instanza refusà il recurs cun 6:3 vuschs.

8 Tribunal federal

La Segunda partizun dal dretg public dal Tribunal federal ha gi da tractar l'onn da gestiun plirs recurs cunter decisiuns da l'Instanza. La cumpilazion suandanta cuntegna arguments centrals da la Dretgira federala dals recurs ch'ella ha tractà materialmain.

8.1 Sentenzia 2C_1246/2012 dals 12 d'avrigl 2013

Ils 30 d'avust 2012 ha l'Instanza approvà in recurs cunter il magazin da sanadad „Puls”. Là aveva la Televisiun SRF realisà ina contribuziun speziala davart „Botox”. Decisiva per questa violaziun dal cumond dad esser objectiv è stà ch'ins n'ha betg menziunà las emprovas turmentantas cun animals, colliadas cun la producziun da „Botox”.

Il Tribunal federal ha refusà il recurs da la SSR cunter la decisiun da l'Instanza. La pratica vertenta effectueschia ch'il diever creschi da „Botox” augmentia il dumber dad emprovas cun animals. Questas infurmaziuns sajan stadas adattadas dad influenzar la tenuta da „clients” pussaivels envers „Botox”, uschia che quels hajan eventualmain renzziù ad ina intervenció cosmetica per proteger ils animals. In magazin cun funcziun da servetsch e cussegliaziun stoppia render attent en ina emissiun speziala a quai aspect. Be tras menziunar che la producziun da „Botox” seja necessariamain colliada cun animals che pateschan fissi il public stà en il cas da pudair furmar in'atgna opiniu davart tuttas dumondas en connex cun ses diever sin il champ cosmetic.

La libertad da l'elecziun dal tema che la SSR fa valair è tenor la decisiun dal Tribunal federal mo dada tras l'autonomia dal program, uschè lunsch che las pretensiuns giuridicas minimalas èn ademplidas cun il cuntegn dal program. Sch'i na vegn betg rapportà davart in tema secundar, violond il camond d'esser schurnalisticamain compleet, na correspunda la contribuziun betg al dretg da radiodiffusio (art. 4, al. 2 LRTV). L'infurmazion da la redacziun da „Puls” davart la problematica d'emprovas cun animals en connex cun „Botox” na saja betg stada suffizienta. L'emissiun stoppia sezza ademplir las pretensiuns segund il cumond dad esser objectiv, tant pli ch'igl haja be dà a la fin in avis general en scrit sin la pagina d'internet.

8.2 Sentenzia 2C_402/2013 dals 20 d'avust 2013

L'Instanza n'era betg entrada sin in recurs cunter l'emissiun televisiva „Mise au point” da Radio Télévision Suisse (RTS). Il post da mediaziun era vegni à la conclu-

siun che la reclamazion saja vegnida inoltrada memia tard. La persuna che ha recurri, represchentada tras in advocat, ha fatg valair ch'ella haja scrit entaifer il termin da 20 dis per reclamar ina brev al post da mediaziun. Quella cuntegnia ina reclamazion ed avessi perquai stuì vegnir dada vinavant al post da mediaziun cumpetent.

Il Tribunal federal ha renvià il recurs cunter l'Instanza. El ha rendì attent che la brev a RTS n'haja cuntegnì nagina remartga pertutgant determinaziuns legalas ed haja pretendi primarmain ina „rectificaziun”. Che l'Instanza haja deduci da quai ch'i sa tractia plitost d'ina dumonda da dretg civil per ina cuntrapreschentaziun che d'ina reclamazion vers il program, na saja betg arbitrar. La preinstanza haja cun raschun considerà che la brev questiunaivla saja vegnida scritta dad in advocat incaricà. A quel possian ins far dapli pretensiuns proceduralas che ad in laic. Era possian ins supponer ch'in advocat, che praticheschia, haja enconuschiantschas dal dretg respectiv e da la procedura. En il cas concret avessi el stuì far ultra da sia brev a RTS era ina proposta per cuntrapreschentaziun ed ina reclamazion entaifer il termin cunter il cuntegn da la contribuzion. Il giudicat da l'Instanza na saja nagin formalissem excessiv.

8.3 Sentenzia 2C_182/2013 dals 25 da settember 2013

Ils 8 da settember 2011 ha RSI emess sin La 1 en il rom da l'emissiun „Falò” ina documentaziun da ca. 55 minutus cun il titel: „La multinazionale delle vittime”. Tematisada è vegnida l'elavuraziun cun asbest da pli baud e ses effect sin ils lavorers en las fabricas correspundentas da l'Italia. L'emissiun è vegnida fatga en vista al process d'emprima instanza current a Turin cunter represchentants da las fabricas dad asbest. En il recurs cunter questa emissiun è tranter auter vegnì critigà ch'il film saja manipulativ. En la documentaziun haja ins mussà exclusivamain l'optica dals pertulgads.

Il Tribunal federal è vegnì – sco l'Instanza – a la conclusiun che l'emissiun n'haja betg violà il cumond dad esser objectiv. Il focus defensiv e primarmain la vista da las victimas sajan stads evidents per il public. L'unilateralitat critigada derivia numnadamain dal fatg ch'il responsabel da la gruppera dals possessurs svizzers haja refusà da prender posiziun davart las renfatschas. La redacziun da „Falò” è sa stentada da preschentar quella optica en moda differenta e commensurada – cun registraziuns ord l'archiv e tras la posiziun da ses frar. Commentaris personals sajan stads d'enonuscher cleramain sco tals (art. 4 al. 2 seconda frasa LRTV). Era haja la moderaziun fatg attent al stadi da la procedura a Turin il temp che l'emissiun è vegnida realisada. La presumaziun da l'innocenza è vegnida resguardada commensuradomain. Era la formazion nunverbala da la reportascha n'haja betg manipulà il public. Quel haja

pudi far sin basa dals fatgs e da las vistas intermediadas in'atgna opiniu davart il tema tractà.

8.4 Sentenzia 2C_321/2013 dals 11 d'october 2013

Tema da l'emissiun da discussiun „Arena“ da la Televisiun da SRF dals 27 d'avrigl 2012 è stada l'iniziativa, lantschada curt avant „per ina entrada da basa nuncundiziunada“. L'Instanza ha approvà il recurs cunter questa emissiun cun sia decisiun dals 19 d'october 2012. L'emissiun haja mussà in'optica memia stretga. Impurtants aspects da l'iniziativa populara che han sco per exemplu pertutgà la lavour na pajada da las dunnas, na sajan betg vegnids resguardads u sin il pli a l'ur. Qua tras saja vegni violà il cumond dad esser objectiv da l'art. 4 al. 2 LRTV.

Il Tribunal federal ha suttastritgà en sia decisiun che las pretensiuns tenor il cumond dad esser objectiv valian sulettamain per contribuziuns d'infurmaziun, preparadas da la redacziun (vesair E. 7.1) e na possian betg vegnir fatgas valair era per emissiuns da discussiun sco la „Arena“. „La moderaziun na possia e na dastgia era betg prescriver als participants da la discussiun tge ch'els hajan da dir. I saja plitost ils participants da la discussiun che fixeschian ils accents ord lur optica. La redacziun possia influenzar l'elecziun dals temas e las dumondas tschentadas, mo ella dastgia e duaja era pussibilitar in svilup spontan da la discussiun.“

Il Tribunal federal ha constatà ch'era interess specifics da dunnas sajan vegnids resguardads en l'emissiun e ch'ils participants a la discussiun hajan gi chaschun da s'exprimer en chaussa. Ina mancanza saja che quels aspects n'èn betg vegnids tractads pli profundamain en l'emissiun. Quai valia medemamain per auters puntgs da vista. I na saja betg pussaivel, en il rom dad ina emissiun da discussiun cuntraversa, da tractar, era mo d'ina moda u l'autra, e fundadament, tut ils aspects relevanti. Sch'ins fixass ina directiva correspundenta, na pudessan emissiuns sco la „Arena“ betg pli vegnir realisadas. L'emissiun n'haja betg taschentà manipulativamain aspects centrals. Il Tribunal federal ha approvà il recurs per quest motivs e constatà che l'emissiun n'haja betg violà il cumond dad esser objectiv.

8.5 Sentenzia 2C_1032/2012 dals 16 da november 2013

In recurs da l'Uniun cunter fabricas d'animals (VgT) pervia dad avair refusà l'emissiun dad in spot da reclama tras SRF ha l'Instanza refusà cun il conclus dals 22 da zercladur 2013. Ella è stada persvadida che da refusar questa emissiun na cuntrafetschia betg a la LRTV. La restricziun da la libertad d'opiniun saja da relativar, esend che la Televisiun SRF haja praticamain mussà in spot identic da VgT. La refusa

saja stada confurm al dretg perquai ch'ella na saja betg succedita en moda discriminanta e sin basa dad interess giustifitgads (mantegnair la buna reputaziun). Il curt e dispitaivel spot sin la pagina d'internet da VgT ha cuntegnì in avis a „quai che la televisiun taschenta”.

Il Tribunal federal ha constatà che sulettamain supponer che la reclama dispitaivla pudessi far donn a la reputaziun da la SSR na saja anc nagin interess sufficient per refusar l'emissiun. Sco concessiunaria privilegiada na saja la SSR betg uschè libra sin il champ da la reclama sco realisaders privats. Ella na possia betg sa referir tar la part redacziunala dal program nunlimitadament sin l'autonomia da program (art. 6 LRTV). Sin il sectur economisà privat, ina activitat accessoria da la SSR per finanziar ses programs, saja ella liada tenor l'art. 35 al. 2 Cst. vid ils dretgs fundamentals.

Cunquai ch'il spot da reclama dispitaivel pertutgia il sectur protegì da la libertad d'exprimer l'opiniun (art. 16 al. Cst.) avessi la SSR be pudi refusar l'emissiun „uschè lunsch ch'i dettia persuenter ina basa legala, che ses agir saja d'interess public e la mesira sezza pudessia valair sco commensurada.” Ina tala intervenziun en la libertad d'opiniun fiss tenor il Tribunal federal be stada permessa, „sche la reclama na resguardass betg la dignitat umana, paress dad esser discriminanta, contribuiss a l'odi da razza, perilitass la morala publica u glorifitgass u bagatellisass la violenza (...). Plinavant valan reclamas sco inadmissiblas, sch'ellas na correspundan betg a las determinaziuns dals art. 9ss. LRTV, spezialmain sch'ellas indebleschan persvasiuns religiusas e politicas, mainan en errur u èn illoialas, stimuleschan ad in cumportament che periclitesccha la sanadad, l'ambient u la segrezza persunal.” Cunquai ch'il spot n'ha tangà naginas da questas categorias e ch'i n'è vegnida fatga valair era nagina violaziun da las determinaziuns persunalas ed illoialas e ch'i deva avunda capacitads da reclama, ha la refusa da dastgar emissiunar quest spot cuntrafatg als dretgs constituziunals da VgT.

9 Fatgs internaziunals

L'Instanza fa part dapi l'onn 1996 da la European Platform of Regulatory Authorities (EPRA). I sa tracta d'ina organisaziun independenta dad autoritads europeicas da radio e televisiun. L'Uniu europeica, il Cussegl da l'Europa, il Post audiovisual europeic d'infurmaziun sco era l'incumbensà per la libertad da las medias da l'Organisaziun per la segirezza e per la collavuraziun (OSZE) han il status dad observaders. En il center da l'EPRA stat il barat dad opiniuns ed infurmaziuns.

L'onn da gestiun han gi lieu duas dietas: a Cracovia (8-10 da matg) ed a Vilnius (2-4 d'october). Dilucidads èn vegnids aspects relevants davart la communicaziun politica e la protecziun da la giuventetgna. Tematisà han ins era in eventual basegn da regular tar las medias socialas. Dad omaduas dietas han prendi part commembres da l'Instanza.

La dieta da la EPRA la primavaira 2015 vegn ad avair lieu en Svizra. Organisada vegn quella da l'UFCOM e da l'Instanza. En vista a las pli grondas resursas finanzialas e persunalas è l'egida tar l'UFCOM.

10 <http://www.ubi.admin.ch>

La pagina d'internet è ina pitga centrala per la laver publica da l'Instanza. Quels che fan diever chattan – ultra da communicaziuns actualas da l'Instanza e sias activitads era las tractativas publicas ed ina banca da datas cun las decisiuns da l'Instanza – spezialmain infurmaziuns che servan tar la procedura als posts da mediaziun e da l'Instanza sco era pertugant l'autoritatad sezza.

Agiunta I: Cumposiziun da l'Instanza da recurs e secretariat


Commembers/-bras

| | en uffizi dapi | elegì fin |
|---|--|------------|
| Roger Blum (prof. em. per scienzas da medias, Cologna) | 01-01-2008 president | 31-12-2015 |
| Carine Egger Scholl (presidenta da l'autoritat d'intermedia- ziun Bern-Mittelland, BE) | 01-01-2004 vicepresidenta | 31-12-2015 |
| Vincent Augustin (advocat, GR) | 01-10-2013 | 31-12-2015 |
| Paolo Caratti (advocat e notar, TI) | 01-01-2004 | 31-12-2015 |
| Heiner Käppeli (trenader da communicaziun, LU) | 01-05-2002 | 31-12-2014 |
| Suzanne Pasquier Rossier (redactura, NE) | 01-01-2013 | 31-12-2015 |
| Alice Reichmuth Pfammatter (incaricada chantunala da proteger datas, FR) | 01-01-2001 | 31-12-2013 |
| Claudia Schoch (redactura, advocata, ZH) | 01-02-2005 | 31-12-2015 |
| Mariangela Wallimann-Bornatico (BE) | 01-07-2008 dемисиунà: 30-09-2013 | 31-12-2015 |
| Stéphane Werly (professur, GE) | 01-01-2012 | 31-12-2015 |

Secretariat da l'Instanza

| Secretariat giuridic | en uffizi dapi | per |
|-------------------------------------|----------------|------|
| Pierre Rieder (direcziun) | 01-10-1997 | 90 % |
| Ilaria Tassini Jung | 21-08-2012 | 40 % |
| Chanzlia | en uffizi dapi | per |
| Nadia Mencaccini | 01-05-2006 | 50 % |

Agiunta II: Indicaziuns statisticas per l'interval da 1984-2013



| | 1984 | 1985 | 1986 | 1987 | 1988 | 1989 | 1990 | 1991 | 1992 | 1993 | 1994 | 1995 | 1996 | 1997 | 1998 |
|--|------|------|------|------|------|------|------|------|------|------|------|------|------|------|------|
|--|------|------|------|------|------|------|------|------|------|------|------|------|------|------|------|

Recurs/cas

| | | | | | | | | | | | | | | | |
|-----------|----|----|----|----|----|----|----|----|----|----|----|----|----|----|----|
| entrads | 39 | 23 | 21 | 18 | 24 | 32 | 40 | 50 | 18 | 16 | 13 | 28 | 21 | 25 | 18 |
| liquidads | 31 | 25 | 23 | 16 | 17 | 36 | 35 | 42 | 29 | 22 | 10 | 23 | 29 | 24 | 16 |
| pendents | 8 | 6 | 4 | 6 | 13 | 9 | 14 | 21 | 10 | 4 | 8 | 13 | 5 | 6 | 8 |

Legitimaziun

| | | | | | | | | | | | | | | | |
|-----------------------------------|----|----|----|----|----|----|----|----|----|---|---|----|----|----|----|
| recurs populars / interess public | 11 | 8 | 6 | 5 | 9 | 11 | 31 | 33 | 10 | 7 | 9 | 16 | 17 | 20 | 14 |
| recurs da singuls | 28 | 15 | 15 | 13 | 15 | 21 | 9 | 17 | 8 | 9 | 4 | 12 | 4 | 5 | 4 |
| departament | | | | | | | | | | | | | | | |

Recurs cunter

| | | | | | | | | | | | | | | | |
|------------|----|----|----|----|----|----|----|----|----|----|---|----|----|----|----|
| Radio | 13 | 8 | 5 | 6 | 4 | 10 | 7 | 15 | 6 | 4 | 5 | 4 | 3 | 2 | 2 |
| Televisiun | 26 | 15 | 16 | 12 | 20 | 22 | 33 | 35 | 12 | 12 | 8 | 24 | 18 | 23 | 16 |

| | | | | | | | | | | | | | | | |
|---|----|---|----|---|----|----|----|----|----|---|---|----|----|----|----|
| SSR / RDRS / SRF Radio | 11 | 6 | 3 | 3 | 3 | 7 | 6 | 13 | 5 | 2 | 4 | 3 | 2 | 2 | 2 |
| SSR / TVDRS / SF / SRF Fernsehen | 13 | 9 | 12 | 7 | 14 | 16 | 29 | 29 | 11 | 8 | 5 | 20 | 17 | 16 | 11 |
| SSR / RSR / RTS Radio | 2 | 2 | 0 | 0 | 0 | 1 | 1 | 0 | 0 | 0 | 0 | 0 | 0 | 0 | 0 |
| SSR / TSR / RTS TV | 9 | 5 | 5 | 4 | 4 | 5 | 4 | 3 | 1 | 3 | 1 | 3 | 0 | 4 | 4 |
| SSR / RSI Radio | 0 | 0 | 0 | 0 | 0 | 1 | 0 | 0 | 0 | 0 | 1 | 0 | 1 | 0 | 0 |
| SSR / RSI TV | 2 | 1 | 0 | 1 | 0 | 0 | 0 | 0 | 0 | 1 | 1 | 1 | 0 | 1 | 0 |
| SSR / Radio Rumantsch | 0 | 0 | 0 | 0 | 0 | 0 | 0 | 0 | 0 | 0 | 0 | 0 | 0 | 0 | 0 |
| SSR / diversas emissiuns | 1 | 0 | 1 | 1 | 2 | 0 | 0 | 2 | 0 | 2 | 0 | 0 | 0 | 0 | 0 |
| Radios locals | 1 | 0 | 1 | 2 | 1 | 1 | 0 | 2 | 1 | 0 | 0 | 1 | 0 | 0 | 0 |
| Televisiuns localas | 0 | 0 | 0 | 0 | 0 | 0 | 0 | 0 | 0 | 0 | 0 | 0 | 1 | 0 | 1 |
| Ulteriori realisaders privats da televisiun | 0 | 0 | 0 | 0 | 0 | 0 | 0 | 0 | 0 | 0 | 1 | 0 | 0 | 1 | 0 |
| Emess da l'exterior | 0 | 0 | 0 | 0 | 0 | 0 | 0 | 1 | 0 | 0 | 0 | 0 | 0 | 1 | 0 |
| Teletext | 0 | 0 | 0 | 0 | 0 | 0 | 0 | 0 | 0 | 0 | 0 | 0 | 0 | 0 | 0 |

Liquidà cun

| | | | | | | | | | | | | | | | |
|-----------------------|----|----|----|----|----|----|----|----|----|----|---|----|----|----|----|
| pacificaziun | 0 | 0 | 0 | 0 | 0 | 6 | 2 | 1 | 2 | 1 | 0 | 2 | 1 | 0 | 0 |
| brev da mediatur | 3 | 2 | 1 | 3 | 2 | 6 | | | | | | | | | |
| decisiun da na entrar | 3 | 6 | 5 | 1 | 0 | 10 | 7 | 8 | 1 | 9 | 3 | 6 | 14 | 7 | 2 |
| decisiun materiala | 23 | 16 | 13 | 10 | 14 | 12 | 24 | 32 | 23 | 12 | 7 | 14 | 14 | 17 | 14 |
| retratg | 2 | 1 | 4 | 2 | 1 | 2 | 2 | 1 | 3 | 0 | 0 | 1 | 0 | 0 | 0 |

Decisiuns materialas

| | | | | | | | | | | | | | | | |
|-----------------------------------|----|----|----|----|----|----|----|----|----|----|---|----|----|----|----|
| nagina violaziun da la concessiun | 23 | 14 | 13 | 10 | 11 | 10 | 24 | 29 | 21 | 11 | 8 | 10 | 13 | 13 | 10 |
| violaziun da la concessiun | 0 | 2 | 0 | 0 | 3 | 2 | 0 | 3 | 2 | 1 | 2 | 4 | 1 | 4 | 4 |

| | 1999 | 2000 | 2001 | 2002 | 2003 | 2004 | 2005 | 2006 | 2007 | 2008 | 2009 | 2010 | 2011 | 2012 | 2013 |
|--|------|------|------|------|------|------|------|------|------|------|------|------|------|------|------|
|--|------|------|------|------|------|------|------|------|------|------|------|------|------|------|------|

Recurs/cas

| | | | | | | | | | | | | | | | |
|-----------|----|----|----|----|----|----|----|----|----|----|----|----|----|----|----|
| entrads | 25 | 25 | 22 | 18 | 14 | 25 | 20 | 20 | 30 | 25 | 16 | 14 | 18 | 20 | 18 |
| liquidads | 28 | 26 | 20 | 18 | 17 | 20 | 21 | 22 | 19 | 21 | 25 | 13 | 23 | 20 | 18 |
| pendents | 5 | 4 | 6 | 6 | 3 | 8 | 7 | 7 | 17 | 21 | 11 | 13 | 9 | 9 | 8 |

Legitimazion

| | | | | | | | | | | | | | | | |
|-----------------------------------|----|----|----|----|----|----|----|----|----|----|---|---|----|----|---|
| recurs populars / interess public | 20 | 25 | 16 | 15 | 12 | 20 | 13 | 15 | 19 | 17 | 7 | 9 | 12 | 10 | 9 |
| recurs da singuls | 5 | 0 | 6 | 3 | 2 | 5 | 7 | 5 | 10 | 7 | 9 | 5 | 6 | 10 | 9 |
| departament | | | | | | | | | 1 | 1 | 0 | 0 | 0 | 0 | 0 |

Recurs cunter

| | | | | | | | | | | | | | | | |
|------------|----|----|----|----|----|----|----|----|----|----|----|----|----|----|----|
| Radio | 4 | 2 | 3 | 7 | 2 | 1 | 2 | 3 | 5 | 6 | 2 | 2 | 2 | 2 | 4 |
| Televisiun | 21 | 23 | 19 | 11 | 12 | 24 | 18 | 17 | 25 | 19 | 14 | 12 | 16 | 18 | 14 |

| | | | | | | | | | | | | | | | |
|---|----|----|----|---|---|----|----|---|----|----|----|---|----|----|----|
| SSR / RDRS / SRF Radio | 2 | 2 | 1 | 4 | 2 | 0 | 2 | 3 | 3 | 5 | 1 | 2 | 1 | 2 | 4 |
| SSR / TVDRS / SF / SRF Fernsehen | 13 | 16 | 12 | 5 | 7 | 19 | 11 | 7 | 16 | 15 | 11 | 6 | 10 | 11 | 10 |
| SSR / RSR / RTS Radio | 0 | 0 | 0 | 1 | 0 | 1 | 0 | 0 | 1 | 1 | 0 | 0 | 0 | 0 | 1 |
| SSR / TSR / RTS TV | 2 | 1 | 1 | 4 | 2 | 1 | 1 | 0 | 6 | 1 | 2 | 3 | 3 | 3 | 2 |
| SSR / RSI Radio | 1 | 0 | 1 | 1 | 0 | 0 | 0 | 0 | 0 | 0 | 0 | 0 | 0 | 0 | 0 |
| SSR / RSI TV | 1 | 1 | 3 | 0 | 1 | 3 | 5 | 2 | 2 | 1 | 1 | 0 | 0 | 1 | 0 |
| SSR / Radio Rumantsch | 0 | 0 | 0 | 1 | 0 | 0 | 0 | 0 | 0 | 0 | 0 | 0 | 0 | 0 | 0 |
| SSR / diversas emissiuns | 0 | 0 | 0 | 0 | 0 | 0 | 0 | 2 | 0 | 0 | 0 | 0 | 2 | 1 | 1 |
| Radios locals | 1 | 0 | 1 | 0 | 0 | 0 | 0 | 0 | 1 | 0 | 1 | 1 | 2 | 0 | 0 |
| Televisiuns localas | 0 | 0 | 0 | 0 | 0 | 0 | 0 | 2 | 1 | 1 | 0 | 1 | 0 | 2 | 0 |
| Ulteriori realisaders privats da televisiun | 3 | 5 | 3 | 2 | 2 | 1 | 1 | 3 | 0 | 1 | 0 | 1 | 0 | 0 | 0 |
| Emess da l'exterior | 0 | 2 | 0 | 0 | 0 | 0 | 0 | 0 | 0 | 0 | 0 | 0 | 0 | 0 | 0 |
| Teletext | 2 | 0 | 0 | 0 | 0 | 0 | 0 | 0 | 1 | | | | | | |

Liquidà cun

| | | | | | | | | | | | | | | | |
|-----------------------|----|----|----|----|----|----|----|----|----|----|----|----|----|----|----|
| pacificaziun | 0 | 0 | 0 | 0 | 0 | 0 | 0 | 0 | | | | | | | |
| brev da mediatur | | | | | | | | | | | | | | | |
| decisiun da na entrar | 4 | 4 | 5 | 1 | 3 | 3 | 3 | 8 | 4 | 6 | 5 | 2 | 3 | 3 | 2 |
| decisiun materiala | 22 | 22 | 15 | 17 | 12 | 16 | 18 | 14 | 14 | 15 | 20 | 11 | 19 | 16 | 15 |
| retratg | 2 | | 0 | 0 | 2 | 1 | 0 | 0 | 1 | 0 | 0 | 0 | 1 | 1 | 1 |

Decisiuns materialas

| | | | | | | | | | | | | | | | |
|-----------------------------------|----|----|----|----|----|----|----|----|---|----|----|---|----|----|----|
| nagina violaziun da la concessiun | 14 | 19 | 14 | 10 | 11 | 12 | 11 | 10 | 9 | 11 | 16 | 8 | 13 | 12 | 13 |
| violaziun da la concessiun | 8 | 3 | 1 | 7 | 1 | 4 | 7 | 4 | 5 | 4 | 4 | 3 | 6 | 4 | 2 |

**Instanza da recurs independenta
da radio e televisiun**

Chascha postala 8547
3001 Berna
Tel. ++41 (0)31 322 55 38
Fax ++41 (0)31 322 55 58
www.ubi.admin.ch
info@ubi.admin.ch